

TRACTATUS DUO.  
DECIMUS,  
DE LAUDANO OPIATO  
THEOPHRASTI.

Barhafftige Beschreibung der rechten Præparation: Des  
vortrefflichen Arzneymittels LAUDANO OPIATI THEOPHR.  
PARACELSI, neben gutem bericht / seiner Kräftigen / vnd von vornehm-  
men Leib: vnd Wundtärzten / oft experimentirten ge-  
waltigen Wirkungen vnd rechten ge-  
brauchs.

**D**ie Opij Thebaici, den zerschneide auffß dünneste vnd zerlaß  
ihn in gutem scharpffen gedestillirten Weinessig / die Resolution colire oder senhe  
durch ein härin Tuch / die remanentz exprimire wol / alsdann was sich durch gesiegen  
vnd exprimiret hat / zusammen vber gelindem Kohlfewer fein sanfft vnd gemächlich  
eintrucken lassen.

Ferner nim Egyptische Mumiam, die purgire also / daß du sie in warmen Wasser lassst zerger-  
hen / hernach durch ein härin Tuch colirest, exprimirest, vnd auff sanfftem Feuer gemächlich eintruck-  
nest / vnd in allem also procedirest, wie mit dem Opio geschehen ist. Nach diesem extrahire sie per  
Spiratum vini von ihrer terrestret, vnd zulezt das extractum auch eingetrucknet.

Dun soltu weiter nemen radices hyosciami, die müssen im Herbst vnd im Zeichen der Wage  
gegraben seyn / da findet man an der alten Wurzel viel kleiner junger Würzlein / die seyn die allerbe-  
sten / vnd voller Safft / diese stoffe vnd trucke per se den Safft darauß / solchen heraus getruckten  
Safft oder succum lasse ob dem Feuer in einem Pfänlein einen Ball thun / verscheume vnd colire  
ihn durch ein Tuch / laß ihn dann in einer warmen Staube / oder sonst an linder wärme eintruck-  
nen / biß zur dicke des Honigs.

Deß obgedachten Opij, auch der gesagten Mumia, vnd bemeldes succi radice hyosciami, nim  
jedes ein Unze / reibs gar wol vntereinander / thu es in ein Kolbenglaß / vnd verstopffe solch Glaß gar  
wol / setze es an die Sonnen das es gegen Mittag stehe / vnd vierzehn Tage (jedoch täglich mit dem  
Glaß wol vmb geschwencket) also stehen lassen / so wird sich endlich mit einander fein vereinigen.

In dieser zeit aber nim rechte species diambrae, so in der Apoteck recht vnd wol dispensirt seyn /  
drey Unzen thu in einen Gläsernen Kolben / darüber geuß guten wol rectificirten Spiritum vini  
zwey dritte theil von einer halben maß / das Glaß laß auch dichte verstopffet / etliche Tag lang an der  
Sonnen stehen / vnd muß solchen Spiritum vini sampt den Speciebus alle Tag drey oder viermal  
vmb rühren / biß sich der Spirit. vini rödtlich ferbet / alsdann ihn abgegossen / vnd andern Spirit. vini  
widerumb drauff geschüttet / vnd sich also ferben lassen / wie zuvor geschehen / dan auch zu dem vorigen  
abge-